



萬首唐人絕句卷第九

七言一百首

和裴校書鷺鷥飛 元稹

鷺鷥鷺鷥何處飛
鷗鷺雀噪難久
依清江見底草堂
在一點白光終不歸

夜池

荷葉團圓莖削削
綠萍面上紅衣落
滿地月明思啼
蠶高屋無人風張幕

寒食日毛空路示姪

我昔提孩從我兄
我今衰白爾初成
分明記取原頭

路百世長須此路行

別孫村老人

年年漸看老人稀
欲別孫翁淚滿衣
未死不知何處去
此身終向此原歸

和樂天劉家花

閒坊靜曲同消日
淚草傷花不爲春
遍問舊交零落盡
十人纔有兩三人

褒城驛二首

容州詩句在褒城
幾度經過淚漸明
今日重看滿衫淚
可憐名字已前生

憶昔萬株梨映竹
相逢黃令醉殘春
梨枯竹盡黃令死
今日載來衰病身

和樂天夢亡友劉太白同遊二首

君詩昨日到通州
萬里知君一夢劉
閑坐思量小來事
祇應元是夢中遊

老來東郡復西州
行處生塵爲喪劉
縱使劉君魂魄在
也應至死不同遊

醉醒

積善坊中前度飲
謝家諸婢笑扶行
今宵還似當時醉
半夜覺來聞笑聲

感夢

行吟坐嘆知何極影絕魂消動隔年今夜商山館中
夢分明同在後堂前

六年春遣懷八首

傷禽我是籠中鶴沉劍君爲泉下龍重續猶存孤枕
在春衫無復舊裁縫

檢得舊書三四紙高低濶狹但成行自言併食尋高
事唯念山深驛路長

公無渡河音響絕已隔前春復去秋今日閑窓拂塵
土殘絃猶迸鈿箜篌

婢僕曬君餘服用嬌癡稚女遶床行玉梳鈿朶香醪
解盡日風吹璚瑁箏

伴客消愁長日飲偶然乘興便醺醺怪來醒後傍人
泣醉裏時時錯問君

我隨楚澤波中梗君作咸陽泉下泥百事無心值寒
食身將稚女帳前啼

童稚癡狂撩亂走綵毬花仗滿堂前病身一到總帷
下還向臨堦背日眠

小於潘岳頭先白學取莊周淚莫多止竟悲君須自
省川流前後各風波

答友封

荀令香消潘簟空
悼亡詩滿舊屏風
扶牀小女君先識
應爲些些自外翁

夢成之

燭暗船風獨夢驚
夢君頻問向南行
覺來不語到明坐
一夜洞庭湖水聲

哭小女降真

雨點輕漚風復驚
偶來何事去何情
浮生未到無生地
暫到人間又一生

哭女樊

秋天淨綠月分明
何事巴猿不賸鳴
應是一聲腸斷去
不容啼到第三聲

妻滿月日相唁

十月辛勤一月悲
今朝相見淚淋漓
狂花落盡莫惆悵
猶勝因花壓折枝

杏園

浩浩長安車馬塵
狂風吹送每年春
門前本是空虛界
何是栽花誤世人

菊花

秋叢遶舍似陶家
遍遶籬邊日漸斜
不是花中偏愛

唐詩卷九
四
由此花開盡更無花

尋西明寺僧不在

春來日日到西林飛錫經行不可尋
蓮池舊是無波水莫逐狂風起浪心

與吳侍御春遊

蒼龍闕下陪驄馬紫閣峯頭見白雲
滿眼流光隨日度今朝花落更紛紛

晚春

晝靜簾疎鷺語頻雙雙鬪雀動
堦塵柴扉日暮隨風掩落盡閑花不見人

先醉

今日尊前敗飲名三杯未盡不能傾
怪來花下常先醉半是春風蕩酒情

獨醉

一樹芳菲也當春漫隨車馬擁
行塵桃花解笑鶯能語自醉自眠那籍人

宿醉

風引春心不自由等閑衝席飲
多籌朝來始向花前覺度却醒時
一夜愁

懼醉

聞道秋來怯夜寒不辭泥水爲盃盤殷勤懼醉有深
意愁到醒時燈火闌

羨醉

綺陌高樓競醉眠共期憔悴不相憐也應自有尋春
日虛度而今正少年

憶醉

自嘆旅人行意速每嫌杯酒緩歸期今朝偏遇醒時
別淚落風前憶醉時

病醉

醉伴見儂因病酒道儂無酒不相窺那知下藥還沾

底人去人來剩一卮

擬醉

九月開宵初向火一罇清酒始行杯憐君城外遙相
憶冒雨衝泥黑地來

勸醉

寶家能釀銷愁酒但是愁人便與銷顧我共君俱寂
寞只應連夜復連朝

任醉

本怕酒醒渾不飲因君相勸覺情來殷勤滿酌從聽
醉乍可欲醒還一杯

同醉

栢樹臺中推事人杏花壇上煉真形心源一種閑如水同醉櫻桃樹下春

狂醉

一自栢臺爲御史二年辜負兩京春峴亭今日顛狂醉舞引紅娘亂打人

伴僧行

春來求事百無成因向愁中識道情花滿杏園千萬樹幾人能伴老僧行

古寺

古寺春餘日半斜竹風蕭爽勝人家花時不到有花院意在尋僧不在花

定僧

落魄閑行不着家偏尋春寺賞年華禪僧偶向花前定滿樹狂風滿樹花

觀心處

滿座喧喧笑語頻獨憐方丈了無塵燈前便是觀心處要似觀心有幾人

智度師二首

四十年前馬上飛功名藏盡擁禪衣石榴園下擒生

處獨自閑行獨自歸

三陷思明三突圍鐵衣拋盡衲禪衣天津橋上無人識閑凭闌干望落暉

西明寺牡丹

花向琉璃地上生光風炫轉紫雲英自從天女盤中見直至今朝眼更明

憶楊十二

去時芍藥纔堪贈看却殘花已度春只爲情深偏愴別等閑相見莫相親

送復夢赴韋令幕

世上如今重檢身吾徒耽酒作狂人西曹舊事多持法切莫吐他丞相茵

送劉太白

洛陽大抵居人少從善坊西最寂寥想到劉君獨騎馬古堤秋樹隔中橋

奉誠園

蕭相深誠奉至尊舊居求作奉誠園秋來古巷無人掃樹滿空墻閉戟門

與太白同之東洛至櫟陽太白染疾駐行予九月二十五日至華嶽寺雪後望山

共作洛陽千里伴老劉因疾駐行軒今朝獨自山前
立雪滿三峰倚寺門

野狐泉柳林

去日野狐泉上柳紫芽初綻拂眉低秋來寥落驚風
雨葉滿空林踏作泥

鬲胡三憑人問牡丹

竊見胡三問牡丹為言依舊滿西欄花時何處偏相
憶寥落衰紅雨後看

酬樂天秋興見贈末句云莫怪獨吟秋興
苦比君校近二毛年

勸君休作悲秋賦白髮如星也任垂畢竟百年同是
夢長年何異少何為

雪後宿同軌店上法護寺鍾樓望月

滿山殘雪滿山風野寺無門院院空烟火漸稀孤店
靜月明深夜古樓中

陪韋尚書文歸履信宅

紫垣駟騎入華居公子文衣護錦輿眠閣書生復何
事也騎羸馬從尚書

永貞二年正月二日上御丹鳳樓赦天下
予與李公垂庾順之間行曲江不及盛觀

春來饒夢慵朝起不看千官擁畫樓却着閑行是忙
事數人同傍曲江頭

韋居守晚歲常言退休之志因署其居曰
大隱洞命予賦詩

謝公潜有東山意已向朱門啓洞門大隱猶疑戀朝
市不如名作罷歸園

贈李十二牡丹花片

鶯澁餘聲絮墮風牡丹花盡葉成叢可憐顏色經年
別收取朱欄一片紅

題李十一修行里居壁

雲闕朝回塵騎合杏花春盡曲江閑憐君雖在城中
住不隔人家便是山

靖安窮居

喧靜不由居遠近大都車馬就權門野人住處無名
利草滿空堦樹滿園

贈樂天

等閒相見銷長日也有閑時更學琴不是眼前無外
物不關心事不經心

駱口驛二首

郵亭壁上數行字崔李題名王白詩盡日無人共言

語不離墻下至行時
二星徼外通蠻服五夜燈前草御文我到東川恰相
半向南看月北看雲

清明日

當年寒食好風輕觸處相隨取次行今日清明漢江
上一身騎馬縣官迎

亞枝紅

平陽池上亞枝紅悵望山郵是事同還向萬竿深竹
裏一枝渾臥碧流中

梁州夢

夢君同遶曲江頭也向慈恩院院遊亭吏呼人排去
馬忽驚身在古梁州

江上行

悶見漢江流不息悠悠漫漫竟何成江流不語意相
問何事遠來江上行

漢江上笛

少年爲寫遊梁賦最說漢江聞笛愁今夜聽時在何
處月明西縣驛南樓

郵亭月

君多務實我多情大抵偏嗔步月明今夜山郵與蠻

瘴君應堅臥我還行

嘉陵驛二首

嘉陵驛上空床客一夜嘉陵江水聲仍對墻南滿山
樹野花撩亂月朧明
墻外花枝壓短墻月明還照半張床無人會得此時
意一夜獨眠西畔廊

百牢關

嘉陵江上萬重山何事臨江一破顏自笑只緣人敬
仲等閑身度百牢關

江花落

日暮嘉陵江水東梨花萬片逐江風江花何處最腸
斷半落江流半在空

嘉陵江二首

秦人惟識秦中水長想吳江與蜀江今日嘉川驛樓
下可憐如練遶明窓
千里嘉陵江水深何年重遶此江行只應添得清宵
夢時見滿江秋月明

西縣驛

去時樓上清明夜月照樓前撩亂花今日成陰復成
子可憐春盡未還家

望喜驛

滿眼文書堆案邊
眼昏偷得暫時眠
子規驚覺燈又滅
一道月光橫枕前

好時節

身騎驄馬峩嵒下
面帶霜威卓氏前
虛度東川好時節
酒樓元被蜀兒眠

夜深行

夜深猶自遶江行
震地江聲似鼓聲
漸見戍樓疑近驛
百牢關吏火前迎

望驛臺

可憐三月三旬足
悵望江邊望驛臺
料得孟光今日語
不曾春盡不歸來

封書

鶴臺南望白雲關
城市猶存暫一還
書出步步虛三百
韻藥珠文字在人間

仁風李著作園醉後寄李十

朧明春月照花枝
花下鶯聲似管兒
却笑西京李貞外
五更騎馬趁朝時

燈影

洛陽晝夜無車馬
漫掛紅紗滿樹頭
見說平時燈影

裏玄宗潛伴太真遊

書樂天紙

金鑾殿裏書殘紙乞與荊州元判司不忍拈將等閒
用半封京信半題詩

送元穎杜君

江上五年同送客與君常羨北歸人今朝又送君先
去千里洛陽城裏塵

酬李甫見贈十首

宋玉悲秋續楚詞陰鏗官慢足閑詩親情書札相安
慰多道蕭何作判司

杜甫天才頗絕倫每尋詩卷似情親憐渠直道當時
語不着心源傍古人

千歲荒狂任博徒按莎五木擲梟盧野詩良輔偏伶
假長借金鞍迓酒胡

曾經倬立侍丹墀綻藥宮花拂面枝雉尾扇開朝日
出柘黃衫對碧霄垂

一自低心翰墨場箭韞拋盡負書囊近來兼愛休糧
藥栢葉莎羅雜豆黃

莫笑風塵滿病顏此生元在有無間卷舒蓮葉終難
濕去住雲心一種閒

無事拋碁侵虎口幾時開眼復聯行終須殺盡綠邊
敵四面通流掩太荒

原憲甘貧每自開子春傷足少人哀巷南唯有陳居
士時學文殊一問來

每識閑人如未識與君相識便相怜經旬不解來過
宿忍見空床夜夜眠

開拆新詩展大璆明珠炫轉玉音浮酬君十首三更
坐減却當時半夜愁

和樂天招錢蔚章看山

碧落招邀閑曠望黃金城外玉方壺人間還有大江

海萬里烟波天上無

折花枝送行

櫻桃花下送君時一寸春心逐折枝別後相思最多
處千株萬片遶林垂

萬首唐人絕句卷第九

萬首唐人絕句卷第十

七言一百首

寄劉頗二首

元稹 八十八首

平生嗜酒顛狂甚不許諸公占丈夫唯愛劉君一片
膽近來還敢似人無

前年碣石烟塵起共看官軍過洛城無限公卿因戰
得與君依舊綠衫行

晨起送使病不能行因過王十一館居二首

自笑今朝誤夙興逢他御史瘡相仍過君未起房門
掩深映寒窓一盞燈

密宇深房小火爐飯香魚熟近中厨野人愛靜仍耽
寢自問黃昏肯去無

送孫勝

桐花暗淡柳惺惚池帶輕波柳帶風今日與君臨水
別可憐春盡宋亭中

遠望

滿眼傷心冬景和一山紅樹寺邊多仲宣無限思鄉
淚漳水東流碧玉波

陪張湖南宴望岳樓

積為監察御史
張中丞知樞事

觀象樓前奉末班絳峰只似殿亭間今日高樓重陪

宴雨籠衡岳是南山

岳陽樓

岳陽樓上日銜窓影到深潭赤玉幢悵望殘春萬般
意滿櫺湖水入西江

寄庾敬休

小來同在曲江頭不省春時不共遊今日江風好暄
暖可憐春盡古湘州

買花栽二首

買得山花一兩栽離鄉別土易摧墮欲知北客留南
意看取南花北地來

南花北地種應難且向船中盡日看縱使將來眼前
死猶勝拋擲在空欄

宿石磯

石磯江水夜潺湲半夜江風引杜鵑燈暗酒醒顛倒
枕五更斜月入空船

桐花

去日桐花半桐葉別來桐樹老桐孫城中過盡無窮
事白髮滿頭歸故園

西歸十二首

雙埃頻頻減去程漸知身得近京城春來愛有歸鄉

夢一半猶疑夢裏行

五年江上損容顏今日春風到武關兩紙京書臨水
讀小桃花樹滿商山

同歸諫院韋丞相共貶河南亞大夫今日還鄉獨憔悴
幾人憐見白髭鬚

只去長安六日期多應及得杏花時春明門外誰相
待不夢閑人夢酒卮

白頭歸舍意如何賀處無窮吊亦多左降去時裴相
宅舊來車馬幾人過

還鄉何用淚沾襟一半雲霄一半沉世事慚多饒悵

望舊曾行處便傷心

閑遊寺觀從容到遍問親知次第尋腸斷裴家光德宅無人掃地戟門深

一世營營死是休生前無事定無由不知山下東流水何事長湏日夜流

今朝西渡丹河水心寄丹河無限愁若到庄前竹園下殷勤爲遶故山流

寒窓風雪擁深爐彼此相傷指白鬚一夜思量十年事幾人強健幾人無

雲覆藍橋雪滿溪湏臾便與碧峯齊風迴麴市連天

合凍壓花枝着水低

寒花帶雪滿山腰着柳冰珠滿碧條天色漸明回一望玉塵隨馬渡藍橋

小碎

小碎詩篇取次書等閑題柱意何如諸郎到處應相問留取三行代鯉魚

和樂天高相宅

莫愁已去無窮事漫苦如今有恨身二百年來城裏宅一家知換幾多人

和樂天仇家酒

病嗟酒戶年年減老覺塵機漸漸深飲罷醒餘更惆悵不如閑事不經心

和樂天贈雲寂僧

欲離煩惱三千界不在禪門八萬條心火自生還自滅雲師無路與君銷

灋西別

樂天傳載樊宗憲李景信兩秀才姪谷三月二十日相餞送

今朝相送自同遊酒語詩情替別愁忽到灋西總回去一身騎馬向通州

寄曇高寂三上人

長學對治思苦處偏將死苦教人間今因為說無生

死無可對治心更閑

題漫天嶺智藏師蘭若

僧云住此二十八年

僧臨大道閱浮生來往憧憧利與名二十八年何限客不曾閑見一人行

蒼溪縣寄楊州兄弟

蒼溪縣下嘉陵水入峽穿江到海流憑仗鯉魚將遠信鴈回時節到揚州

長灘夢李紳

孤吟獨寢意千般合眼逢君一夜歡慙愧夢魂無遠近不辭風雨到長灘

見樂天詩

通州到日日平西
江館無人虎印泥
忽向破簷殘漏處
見君詩在柱心題

聞樂天受江州司馬

殘燈無焰影幢幢
此夕聞君謫九江
垂死病中仍悵望
暗風吹雨入寒窓

歲日贈去非

君思曲水嗟身老
我望通州感道窮
同入新年兩行淚
白頭翁坐說城中

雨聲

風吹竹葉休還動
雨點荷心暗復鳴
曾向西江船上宿
慣聞寒夜滴蓬聲

奉和滎陽公離筵作

南郡生徒辭絳帳
東山妓樂擁紅旌
鈞天排比簫韶待
猶顧人間有別情

嘉陵水

古時應是山頭水
自古流來江路深
若使江流會人意
也應知我遠來心

閩州開元寺壁題樂天詩

憶君無計寫君詩
寫盡千行說向誰
題在閩州東寺

壁幾時知是見君時

憑李忠州寄書樂天

萬里寄書將出峽却憑巫峽寄江州傷心最是江頭
月莫把書將上庾樓

得樂天書

遠信入門先有淚妻驚女哭問何如尋常不省曾如
此應是江州司馬書

寄白樂天

無身尚擬魂相就身在那無夢往還直到他身亦相
覓不能空寄樹中環

酬知退

終須脩到無脩處聞盡聲聞始不聞莫着妄心銷彼
我我心無我亦無君

通州

平生欲得山中住天與通州遶郡山睡到日西無一
事月儲三萬買教閑

喜李十一景信到

何事相逢翻有淚念君緣我到通州留君剩住君須
住我不自由君自由

與李十一夜飲

寒夜燈前賴酒壺與君相對興猶孤忠州刺史應閑
臥江水猿聲睡得無

贈李十一

淮水連年起戰塵油旌三換一何頻共君前後俱從
事羞見功名與別人

寒食日

今年寒食好風流此日一家同出遊碧水青山無限
思莫將心道是涪州

別李十一五絕

巴南分與親情別不料與君牀並頭爲我遠來休悵

望折君災難是通州

京城每與閑人別猶自傷心與白頭今日別君心更

苦別君緣是在通州

萬里尚能來遠道一程那忍便分頭烏籠獺檻君應
會十步向前非我州

來時見我江南岸今日送君江上頭別後料添新夢
寐虎驚蛇伏是通州

聞君欲去潛銷骨一夜暗添新白頭明朝別後應腸
斷獨棹破船歸到州

酬樂天醉別

前回一去五年別此別又知何日回好住樂天休悵
望匹如元不到京來

酬樂天雨後見憶

雨滑危梁性命愁差池一步一生休黃泉便是通州
郡漸入深泥漸到州

和樂天題王家亭子

風吹筍籜飄紅砌雨打桐花蓋綠莎都大資人無暇
日泛池全少買池多

酬樂天頻夢微之

山水萬重書斷絕念君憐我夢相聞我今因病魂顛
倒唯夢閑人不夢君

琵琶

學語胡兒撼玉鈴甘州破裏最星星使君自恨常多
事不得工夫夜夜聽

春詞

山翠湖光似欲流蜂聲鳥思却堪愁西施顏色今何
在但看春風百草頭

酬樂天舟泊夜讀微之詩

知君暗泊西江岸讀我閑詩欲到明今夜通州還不
睡滿山風雨杜鵑聲

酬樂天武關南見微之題山石榴花詩
比因酬贈為花時不為君行不復知又更幾年還共
到滿牆塵土兩篇詩

酬樂天寄生衣

秋茅處處流瘵瘡夜鳥聲聲哭瘴雲羸骨不勝纖細
物欲將文服却還君

酬樂天三月三日見寄

常年此日花前醉今日花前病裏銷獨倚破簾閑悵
望可憐虛度好春朝

瘴塞

瘴塞巴山哭鳥悲紅粧少婦歛啼眉殷勤奉藥來相
勸云是前年欲病時

紅荆

庭中栽得紅荆樹十月花開不待春直到孩提盡驚
怪一家同是北來人

黃草峽聽柔之琴二首

胡笳夜奏塞聲寒是我鄉音聽漸難料得小來辛苦
學又應知向峽中彈

別鶴妻清覺露寒離聲漸咽命鷓難憐君伴我涪州
宿猶有心情徹夜彈

書劔

渝江劔刃皆歐冶巴吏書蹤盡子雲唯我心知有來
處泊船黃草夜思君

別毅郎二首

爾爺只爲一盃酒此別那知死與生兒有何辜纔七
歲亦教兒作瘴江行

愛惜爾爺唯有我我今憔悴望何人傷心自比籠中
鶴剪盡羽翎愁到身

自責

犀帶金魚束紫袍不能將命報分毫他時得見牛常

侍爲爾君前捧佩刀

送公度之福建

棠陰猶在建康磯此去那論是與非若見白頭須盡
敬恐曾江岸識胡威

喜五兄自泗州至

眼中三十年來淚一望南雲一度垂慚愧臨淮李常
侍達教形影暫相隨

杏花

常年出入古銀臺每怪春風例早回慚媿杏園行在
景同州園裏也先開

第三歲日詠春風憑楊員外寄長安柳
三日春風已有情拂人頭面稍憐輕殷勤爲報長安
柳莫惜枝條動軟聲

聽妻彈別鶴操

別鶴聲聲怨夜絃聞君此奏欲潸然商瞿五十知無
子便付琴書與仲宣

贈樂天

莫言隣境易經過彼此分符欲柰何垂老相逢暫離
別白頭期限各無多

重贈

休遣玲瓏唱我詩我詩多是別君詞明朝又向江頭
別月落潮平是去時

別後西陵晚眺

晚日未拋詩筆硯夕陽空望郡樓臺與君後會知何
日不似潮頭暮却回

酬樂天重寄別

却報君侯聽苦詞老頭拋我欲何之武牢關外雖分
手不似如今衰白時

寄浙西李大夫四首

柳眼梅心漸欲春白頭西望憶何人金陵太守曾相

伴共踏銀臺一路塵

藥珠深處少人知
綢索西臨太液池
浴殿曉開天語
後步廊騎馬笑相隨

禁林同直話交情
無夜無曾不到明
最憶西樓人靜
後玉宸鍾磬兩三聲

由來鵬化便圖南
浙右誰雄我未甘
早渡西江好歸
去莫拋舟楫滯春潭

為樂天自勘詩集

春野醉吟十里程
齋宮潛詠萬人驚
今宵不寐到明
讀風雨曉聞開鑼聲

題長慶四年曆日尾

殘曆半張餘十四
灰心雪鬢兩凄然
定知新歲御樓
後從此不知長慶年

夜宴南陵留別

李嘉祐十首

雪滿前庭月色閒
主人留客未能還
預愁明日相思
處匹馬千山與萬山

題前溪館

兩年謫宦在江西
舉目雲山要自迷
今日始知風土
異潯陽南去鷓鴣啼

過烏江公山寄錢起

雨過青山猿叫時，愁人淚點石榴枝。
無端王事還相繫，腸斷蒹葭君不知。

王舍人竹樓

傲吏身閑笑五侯，西江取竹起高樓。
南風不用蒲葵扇，紗帽閑眠對水鷗。

韋潤州後亭海榴

江上年年小雪遲，年光獨報海榴知。
寂寂山城風日暖，謝公含笑向南枝。

送崔十一弟歸北京

潘郎美貌謝公詩，銀印花廳年少時。
楚地江臯一為

別晉山沙水獨相思

訪韓司空不遇

圖畫風流似伯康，文詞體格効陳王。
蓬萊對去歸常晚，叢雀閑飛滿夕陽。

虔上人竹房

詩思禪心共竹閑，任他流水向人間。
手持如意高窓裏，斜日沿江千萬山。

木芙蓉

木面芙蓉秋已衰，繁條到是着花時。
平明露滴垂紅臉，似有朝愁暮落悲。

袁江口憶王郎中

京華不啻三千里客淚如今一萬雙若個最爲相憶處青楓黃竹入袁江

柳

韓琮二首

折柳歌中得翠條遠移金殿種青霄上陽宮女含聲送不忍先歸舞細腰

楊柳枝

梁苑隋堤事已空萬條猶帶舊春風那堪更想千年後誰見楊花入漢宮
萬首唐人絕句卷第十

萬首唐人絕句卷第十一

七言一百首

春題華陽觀

白居易一

帝子吹簫逐鳳皇空留仙洞號華陽落花何處堪惆悵頭白官人掃影堂

秋雨中贈元九

不堪紅葉青苔地又是涼風暮雨天莫怪獨吟秋思苦比君較近二毛年

城東閑遊

寵辱憂歡不到情任他朝市自營營獨尋秋景城東

去白鹿原頭信馬行

華陽觀桃花時招李六拾遺飲

華陽觀裏仙桃發把酒看花心自知爭忍開時不同
醉明朝後日即空枝

洛中春感

莫悲金谷園中月莫歎天津橋上春若學多情尋往
事人間何處不傷神

寄陸補闕

前年同登科

忽憶前年科第後此時雞鶴暫同羣秋風惆悵須吹
散雞在中庭鶴在雲

華陽觀中八月十五日夜招友翫月

人道中秋明月好欲邀同賞意如何華陽洞裏秋壇
上今夜清光此處多

曲江憶元九

春來無伴閑遊少行樂三分減二分何況今朝杏園
裏閑人逢盡不逢君

過劉三十二故宅

不見劉君來近遠門前兩度滿枝花朝來惆悵宣平
過柳巷當頭第一家

下邳莊南桃花

村南無限桃花發
唯我多情獨自來
日暮風吹紅滿地
無人解惜爲誰開

三月三十日題慈恩寺

慈恩春色今朝盡
盡日徘徊倚寺門
惆悵春歸留不得
紫藤花下漸黃昏

看渾家牡丹花戲贈李二十

香勝燒蘭紅勝霞
城中最數令公家
人人散後君須看
歸到江南無此花

戲題新栽薔薇

移根易地莫憔悴
野外庭前一種春
少府無妻春寂寞

莫花開將爾當夫人

酬王十八李六見招遊山

自憐幽會心期阻
復愧嘉招書信頻
王事牽身去不得
滿山松雪屬他人

縣南花下醉中留劉五

百歲幾回同醕酌
一年今日最芳菲
願將花贈天台女
留取劉郎到夜歸

宿楊家

楊氏弟兄俱醉臥
披衣獨起下高齋
夜深不語中庭立
月照藤花影上階

醉中留別楊六兄弟

春初攜手春深散無日花間不醉狂別後何人堪共
醉猶殘十日好風光

醉中歸盤屋

金光門外昆明路半醉騰騰信馬回數日非關王事
繫牡丹花盡始歸來

遊雲居寺贈穆三十六地主

亂峯深處雲居路共踏花行獨惜春勝地本來無定
主大都山屬愛山人

和王十八薔薇澗花時有懷蕭侍御兼見

贈

霄漢風塵俱是繫薔薇花菱故山深憐君獨向澗中
立一把紅芳三處心

再因公事到駱口驛

今年到時夏雲白去年來時秋樹紅兩度見山心有
愧皆因王事到山中

期李十二文略王十八質夫不至獨宿仙
遊寺

文略也從牽吏役質夫何故戀囂塵始知解愛山中
宿千萬人中無一人

酬趙秀才贈新登科諸先輩

莫羨蓬萊鸞鶴侶道成羽翼自生身看君名在丹臺者盡是人間修道人

過天門街

雪盡終南又欲春遙憐翠色對紅塵千車萬馬九衢上回首看山無一人

惜玉蘂花有懷集賢王校書起

芳意將闌風又吹白雲離葉雪辭枝集賢讎校無閑日落盡瑤花君不知

重到毓材宅有感

欲入中門淚滿巾庭花無主兩回春軒窗簾幕皆依舊只是堂前欠一人

亂後過流溝寺

九月徐州新戰後急風殺氣滿山河唯有流溝山下寺門前依舊白雲多

歎髮落

多病多愁心自知行年未老髮先衰隨梳落去何須惜不落終須變作絲

留別吳七正字

成名共記甲科上署吏同登芸閣間唯是塵心殊道

性秋蓬常轉水長閑

邯鄲至除夜思家

邯鄲驛裏逢冬至抱膝燈前影伴身想得家中夜深坐還應說著遠行人

感故張僕射諸妓

黃金不惜買蛾眉揀得如花三四枝歌舞教成心力盡一朝身去不相隨

遊仙遊山

閨將心地出人間五六年來人怪閑自嫌戀著未全盡猶愛雲泉多在山

見尹公亮新詩

袖裏新詩十首餘吟看句句是瓊琚如何持此將干謁不及公卿一字書

長安閑居

風竹松煙晝掩關意中長似在深山無人不怪長安住何獨朝朝暮暮閑

祕書省中憶舊山

厭從薄宦校青簡悔別故山思白雲猶喜蘭臺非傲吏歸時應免動移文

江南送北客因憑寄徐州兄弟書白居易

故園望斷欲何如
楚水吳山萬里餘
今日因君訪兄弟
數行鄉淚一封書

長安正月十五日

喧喧車騎帝王州
羈病無心逐勝遊
明月春風三五夜
萬人行樂一人愁

宿桐廬館同崔存度醉後作

江海漂漂共旅遊
一樽相勸散窮愁
夜深醒後愁還在
雨滴梧桐山館秋

寒食月夜

風香露重梨花濕
草舍無燈愁未入
南鄰北里歌吹

時獨倚柴門月中立

晚秋閑居

地僻門深少送迎
披衣閑坐養幽情
秋庭不掃攬藤杖
閑踏梧桐黃葉行

爲薛台悼亡

半死梧桐老病身
重泉一念一傷神
手携稚子夜歸院
月冷房空不見人

途中寒食

路旁寒食行人盡
獨占春愁在路旁
馬上垂鞭愁不語
風吹百草野田香

題流溝寺古松

煙葉葱龍蒼塵尾霜皮駁落紫龍鱗欲知松老看塵
壁死却題詩幾許人

代鄰叟言懷

人生何事心無定宿昔如今意不同宿昔愁身不得
老如今恨作白頭翁

寄湘靈

淚眼凌寒凍不流每經高處即回頭遙知別後西樓
上應凭欄干獨自愁

冬至宿楊梅館

十一月中長至夜三千里外遠行人若為獨宿楊梅
館冷枕單牀一病身

臨江送夏瞻

悲君老別我霑巾七十無家萬里身愁見舟行風又
起白頭浪裏白頭人

冬夜示敏巢

爐火欲銷燈欲盡夜長相對百憂生他時諸處重相
見莫忘今宵燈下情

及第後憶舊山

偶獻子虛登上第却吟招隱憶中林春蘿秋桂莫惆

悵縱有浮名不繫心

題窻竹

不用裁爲鳴鳳管不須截作釣魚竿
千花百草凋零後留向紛紛雪裏看

花下自勸酒

酒盞酌來須滿滿花枝看即落紛紛
莫言三十是年少百歲三分已一分

題李十一東亭

相思夕上松臺立蛩思蟬聲滿耳秋惆悵
東亭風月好主人今夜在鄜州

重尋杏園

忽憶芳時頻酌酹却尋醉處重徘徊
杏花結子春深後誰解多情又獨來

曲江獨行

獨來獨去何人識廐馬朝衣野客心
閑愛無風水邊坐楊花不動樹陰陰

同李十一醉憶元九

花時同醉破春愁醉折花枝作酒籌
忽憶故人天際去計程今日到梁州

同錢員外題絕糧僧

三十年來坐對山唯將無事化人間齋時往往聞鐘
笑一食何如不食閑

絕句代書贈錢貞外

欲尋秋景閑行去君病多傭我與孤可惜今朝山最
好強能騎馬出來無

禁中九日對菊花酒憶元九

賜酒盈杯誰共持宮花滿把獨相思相思只傍花邊
立盡日吟君詠菊詩

荅張籍

憐君馬瘦衣裘薄許到江東訪鄙夫今日正閑天又

暖可能扶病暫來無

曲江早春

曲江柳條漸無力杏園伯勞初有聲可憐春淺遊人
少好傍池邊下馬行

見元九悼亡詩

夜淚闌銷明月幌春腸遙斷牡丹庭人間此病治無
藥唯有楞伽四卷經

寒食夜

無月無燈寒食夜夜深猶立闌花前忽因時節驚年
幾四十如今欠一年

杏園花落時招錢貞外同醉

花園欲去去應遲正是風吹狼籍時近西數樹猶堪
醉半落春風半在枝

同錢貞外禁中夜直

宮漏三聲知半夜好風涼月滿松筠此時閑坐寂無
語藥樹影中唯兩人

禁中夜作書與元九

心緒萬端書兩紙欲封重讀意遲遲五聲宮漏初明
後一點窻燈欲滅時

寄陳式五兄

年來白髮兩三莖憶別君時髭未生惆悵料君應滿
鬢當初是我十年兄

送元八歸鳳翔

莫道岐州三日程其如風雪一身行與君况是經年
別暫到城來又出城

雨雪放朝因懷微之

歸騎紛紛滿九衢放朝三日爲泥塗不知雨雪江陵
府今日排衙得免無

詠懷

歲去年來塵土中眼看變作白頭翁如何辦得歸山

計兩頃村田一畝宮

酬錢貞外雪中見寄

松雪無塵小院寒
閉門不似住長安
煩君想我看心
坐報道心空無可看

獨酌憶微之

獨酌花前醉憶君
與君春別又逢春
惆悵銀杯來處
重不曾盛酒勸閑人

微之宅殘牡丹

殘紅零落無人賞
雨打風摧花不全
諸處見時猶悵
望况當元九小亭前

酬王十八見寄

秋思太白峯頭雪
晴憶仙遊洞口雲
未報皇恩歸去
得慙君為寄北山文

和錢貞外青龍寺上方望舊山

舊峯松雪舊溪雲
悵望今朝遙屬君
共道使臣非俗
吏南山莫動北山文

惜牡丹花二首

惆悵堦前紅牡丹
晚來唯有兩枝殘
明朝風起應吹
盡夜惜衰紅把火看
寂寞萎紅低向雨
離披破豔散隨風
晴明落地猶惆

不周終卷二
三
悵何況飄零泥土中

谷元奉禮同宿見贈

相逢俱歎不閑身
直日常多齋日頻
曉鼓一聲分散去
明朝風景屬何人

和元九駱口驛舊題詩

拙詩在壁無人愛
烏汗苔侵文字殘
唯有多情元侍御
繡衣不惜拂塵看

山枇杷花二首

萬重青嶂蜀門口
一樹紅花山頂頭
春盡憶家歸未得
低紅如解替君愁

葉如裙色碧綃淺
花似芙蓉紅粉輕
若使此花兼解語
推囚御史定違程

亞枝花

山郵花木似平陽
愁殺多情驄馬郎
還似昇平池畔坐
低頭向水自看粧

江上笛

江上何人夜吹笛
聲聲似憶故園春
此時聞者堪頭白
况是多愁少睡人

嘉陵夜有懷二首

露濕牆花春意深
西廊月上半床陰
憐君獨卧無言

語惟我知君此夜心
不明不暗朧朧月非暖非寒慢慢風獨臥空床好天
氣平明閑事到心中

夜深行

百牢關外夜行客三殿角頭宵直人莫道近臣勝遠
使其如同是不閑人

望驛臺

靖安宅裏當窻柳望驛臺前撲地花兩處春光同日
盡居人思客客思家

江岸梨花

梨花有思緣和葉一樹江頭惱殺君最似嬌閨年少
婦白粧素袖碧紗裙

寄上大兄

秋鴻過盡無書信病戴紗巾強出門獨上荒臺東北
望日西愁立到黃昏

寄內

桑條初綠即爲別柿葉半紅猶未歸不如村婦知時
節解爲田夫秋擣衣

歎元九

不入城門來五載同時班列盡官高何人牢落猶依

舊唯有江陵元士曹

得袁相書

穀苗深處一農夫面黑頭斑手把鋤何意使人猶識
我就田來送相公書

遊悟真寺山下別張殷衡

世緣未了住不得孤負青山心共知愁君又入都門
去即是紅塵滿眼時

病中得樊大書

荒村破屋經年臥寂絕無人問病身唯有東鄰樊著
作至今書信尚殷勤

開元九詩書卷

紅牋白紙兩三束半是君詩半是書經年不展緣身
病今日開看生蠹魚

夜坐

庭前盡日立到夜燈下有時坐徹明此情不語何人
會時復長吁三兩聲

暮立

黃昏獨立佛堂前滿地槐花滿樹蟬大抵四時心揔
苦就中腸斷是秋天

村夜

霜草蒼蒼蟲切切村南村北行人絕獨出前門望野
田月明蕎麥花如雪

聞蟲

聞蟲唧唧夜絲絲况是秋陰欲雨天猶恐愁人暫得
睡聲聲移近卧床前

寒食夜有懷

寒食非長非短夜春風不熱不寒天可憐時節堪相
憶何況無燈各早眠

萬首唐人絕句卷第十一

萬首唐人絕句卷第十二

七言一百首

得錢舍人書問眼疾 白居易二

春來眼闇少心情點盡黃連尚未平惟得君書勝得
藥開緘未讀眼先明

九日寄行簡

摘得菊花携得酒遠村騎馬思悠悠下邳田土平如
掌何處登高望梓州

村居

田園蒼莽經春早籬落蕭條盡日風若問經過談笑

者不過田舍白頭翁

王昭君二首

滿面胡沙滿鬢風眉銷殘黛臉銷紅愁苦辛勤顛顛
盡如今却似畫圖中

漢使却回憑寄語黃金何日贖蛾眉君王若問妾顏
色莫道不如宮裏時

遊城南留元九李二十晚歸

老遊春飲莫相違不獨花稀人亦稀更勸殘杯看日
影猶應趁得鼓聲歸

重見元九

容貌一日減一日心情十分無九分每逢陌路猶嗟
歎何況今朝是見君

高相宅

青苔故里懷恩地白髮新生拖病身涕泪雖多無哭
處永寧門館屬他人

張十八

諫垣幾見遷遺補憲府頻聞轉殿監獨有詠詩張太
祝十年不改舊官銜

劉家花

劉家牆上花還發李十門前草又春處處傷心心始

悟多情不及少情人

裴五

莫怪相逢無笑語感今思舊戟門前張家伯仲偏相
似每見清楊一惘然

仇家酒

年年老去歡情少處處春來感事深時到仇家非愛
酒醉時心勝醒時心

恒寂師

舊遊分散人零落如此傷心事幾條會逐禪師坐禪
去一時滅盡定中消

靖安北街贈李二十

揄莢拋錢柳展眉兩人並馬語行遲還似往年安福
寺共君私試却回時

賦得聽邊鴻

驚風吹起塞鴻群半拂平沙半入雲爲問昭君月下
聽何如蘇武雪中聞

和元八侍御升平新居四絕句

看花屋

忽驚映樹新開屋却似當簷故種花可惜年年紅似
火今春始得屬元家

累土山

堆土漸高山意出終南移入戶庭間玉峯藍水應惆
悵恐見新山忘舊山

高亭

亭脊太高君莫折東家留取當西山好看落日斜
處一片春嵐映半環

松樹

白金換得青松樹君既先栽我不栽幸有西風易憑
仗夜深偷送好春來

醉後却寄元九

蒲池村裏忽忽別澧水橋邊兀兀回行到城門殘酒
醒萬重離恨一時來

重別華陽觀舊居

憶昔初年三十二當時秋思已難堪若爲重入華陽
院病鬢愁心四十三

答勸酒

莫怪近來都不飲幾回因醉却沾巾誰料平生狂酒
客如今變作酒悲人

題王侍御池

朱門深鎖春池滿岸落薔薇水浸莎畢竟林塘誰是

主主人來少客來多

聽水部吳真外新詩

朱紱仙郎白雪歌和人雖少愛人多明朝與向詩家
道水部如今不姓何

雨夜憶元九

天陰一日但堪愁何況連宵雨不休一種雨中君最
苦偏梁閣道向通州

雨中攜元九詩訪元八侍御

微之詩卷憶同開假日多應不入臺好句無人堪共
詠衝泥踏水就君來

寄生衣與微之

淺色縠衫輕似霧紡花紗褲薄於雲莫嫌輕薄但知
著猶恐通州熱殺君

白牡丹

白花冷澹無人愛亦占芳名道牡丹應似東宮白贊
善被人還喚作朝官

夢舊

別來老大苦修道鍊得離心成死灰平生憶念消磨
盡昨夜因何入夢來

戲題盧祕書新移薔薇

風動翠條腰。媚娜露垂紅萼。淚闌干。移他到此。須爲
主。不爲花人。莫使看。

曲江夜歸聞元八見訪

自入臺來見面稀。班中遙得揖容輝。早知相憶來相
訪。悔待江頭明月歸。

苦熱題恒寂師禪室

人人避暑走如狂。獨有禪師不出房。可是禪房無熱
到。但能心靜即身涼。

病中荅招飲者

願我鏡中悲白髮。盡君花下醉青春。不緣眼痛兼身

病。可是尊前第二人。

燕子樓三首

滿窓明月滿簾霜。被冷燈殘拂卧床。燕子樓中霜月
夜。秋來只爲一人長。

鈿暈羅衫色似烟。幾回春暮即潛然。自從不舞霓裳
曲。疊在空箱十一年。

今春有客洛陽回。曾到尚書墓上來。見說白楊堪作
柱。爭教紅粉不成灰。

初貶官過望秦嶺

草草辭家憂後事。遲遲去國問前途。望秦嶺上回頭

立無限秋風吹白鬚

藍橋驛見元九詩

藍橋春雪君歸日秦嶺秋風我去時每到驛亭先下馬循墻遶柱覓君詩

韓公堆寄元九

韓公堆北澗西頭冷雨涼風拂面秋努力南行少惆悵江州猶似勝通州

武關南見元九題山石榴花見寄

往來同路不同時前後相思兩不知行過關門三四里榴花不見見君詩

題商山廟

卧逃秦亂起安劉舒卷如雲得自由若有精靈應咲我不成一事謫江州

白鷺

人生四十未全衰我爲愁多白髮垂何故水邊雙白鷺無愁頭上亦垂絲

江上唸元八絕句

大江深處月明時一夜唸君小律詩應有水仙潛出聽翻將唱作步虛詞

登鄧州白雪樓

白雪樓中一望鄉
青山簇簇水茫茫
朝來渡口逢京使
說道煙塵近洛陽

舟夜贈內

三聲猿後垂鄉淚
一葉舟中載病身
莫凭水函南北望
月明月暗向愁人

逢舊

我留白髮添新恨
君掃青娥減舊容
應被傍人怪惆悵
少年離別老相逢

浦中夜泊

暗上江隄還獨立
水風霜氣夜稜稜
回看深浦停舟處

蘆荻花中一點燈

舟中讀元九詩

把君詩卷燈前讀
詩盡燈殘天未明
眼痛滅燈猶暗坐
送風吹浪打船聲

題李山人

厨無煙火室無妻
籬落蕭條屋舍低
每日將何療饑渴
井華雲粉一刀圭

歲暮道情二首

壯日苦曾經
歲月長年都不惜
花陰爲學空門平等
法先齊
老少死生心

半故青衫半白頭
雪風吹面上江樓
禪功自見無人覺
合是愁時亦不愁

強酒

若不坐禪銷妄想
即須行醉放狂歌
不然秋月春風夜
爭那閑思往事何

聽崔七妓人箏

花臉雲鬟坐玉樓
十三絃裏一時愁
憑君向道休彈去
白盡江州司馬頭

望江州

江回望見雙華表
知是潯陽西郭門
猶去孤城三四

里水煙沙雨欲黃昏

宿西林寺

木落天晴山翠開
愛山騎馬入山來
心知不及柴桑令
一宿西林便却回

代春贈

山吐晴嵐水放光
辛夷花白柳梢黃
但知莫作江西意
風景何曾異帝鄉

荅春

草烟低重水花明
從道風光似帝京
其奈山猿江上叫
故鄉無此斷腸聲

惜落花贈崔二十四

漠漠紛紛不奈何
狂風急雨兩相和
晚來悵望君知否
枝上稀疎地上多

移山櫻桃

亦知官舍非吾宅
且斲山櫻滿院栽
上佐近來多五考
少應四度見花開

見紫薇花憶微之

一叢暗淡將何比
淺碧籠裙襯紫巾
除却微之見應愛
人間少有惜花人

過鄭處士

閨道移居村塢間
竹林多處獨開關
故來不是求他事
暫借南亭一望山

題廬山山下湯泉

一眼湯泉流向東
浸泥澆草暖無功
驪山溫水因何事
流入金鋪玉甃中

秋熱

西江風候接南威
暑氣常多秋氣微
猶道江州最涼冷
至今九月着生衣

階下蓮

葉展影翻當砌月
花開香散入簾風
不如種在天池

上猶勝生於野水中

廳前桂

天台嶺上凌霜樹司馬廳前委地叢一種不生明月裏山中猶較勝塵中

聞李十一出牧澧州崔二十二出牧果州

因寄絕句

平生相見即眉開靜念無如李與崔各是天涯爲刺史緣何不覓九江來

上香爐峯

倚石攀蘿歇病身青筇竹杖白紗巾他時盡出廬山

障便是香爐峯上人

三月三日登庾樓寄庾三十二

三日歡遊辭曲水三年愁卧在長沙每登高處長相憶何況茲樓屬庾家

大林寺桃花

人間四月芳菲盡山寺桃花始盛開長恨春歸無覓處不知轉入此中來

箬峴東池

箬峴亭東有小池早荷新葺綠參差中宵把火行人發驚起雙棲白鷺鷥

建昌江

建昌江水縣門前立馬教人喚渡船忽憶往年歸蔡
渡草風沙雨渭河邊

哭從弟

傷心一尉便終身叔母年高新嬾貧一片綠衫消不
得腰金拖紫是何人

臨水坐

昔爲東掖垣中客今作西方社內人手把楊枝臨水
坐閑思往事似前身

讀僧靈徹詩

東林寺裏西廊下石片鐫題四首詩言句怪來還校
別看名知是老湯師

聽琵琶

聲似胡兒彈舌語愁如塞月恨邊雲閑人曾聽猶眉
斂可使和蕃公主聞

閑吟

自從苦學空門法銷盡平生種種心唯有詩魔降未
得每逢風月一閑吟

戲問山石榴

小樹山榴近砌栽半含紅萼帶花來爭知司馬夫人

妬移到庭前便不開

湖上閑望

藤花浪沸紫茸條
菰葉風翻綠剪刀
閑弄水芳生楚
思時時合眼詠離騷

夢微之

辰起臨風一惆悵
通川盜水斷相聞
不知憶我因何
事昨夜三回夢見君

題韋家泉池

泉落青山出白雲
縈村遶郭幾家分
自從引作池中
水深淺方圓一任君

點額魚

龍門點額意何如
紅尾青鬢却返初
見說在天行雨
苦爲龍未必勝爲魚

聞龜兒詠詩

憐渠已解詠詩章
搖膝支頤學二郎
莫學二郎吟大
苦纔年四十鬢如霜

對酒

未濟卦中休卜命
參同契裏莫勞心
無如飲此銷愁
物一餉愁銷直萬金

東墻白合樹去秋爲風雨所摧
今年花時

一唐詩集卷十二
三十一
悵然有感

碧萋紅樓今何在風雨飄將去不回悵去年墻下
地今春唯有薺花開

病起

病不出門無限時今朝強出與誰期經年不上江樓
醉勞動春風颺酒旗

夢亡友劉太白同遊彰敬寺

三千里外卧江州十五年前哭老劉昨夜夢中彰敬
寺死生魂魄暫同遊

與果上人歿時題此決別兼簡二林僧社

本

願結菩提香火社爲嫌煩惱電泡身不須悵悵從師
去先請西方作主人

劉十九同宿

紅旗破賊非吾事黃紙除書非我名唯共嵩陽劉處
士圍棋賭酒到天明

衰病

老辭遊冶尋花伴病到荒狂舊酒徒更恐五年三歲
後些些談笑亦應無

荅微之

君寫我詩盈寺壁我題君句滿屏風與君相遇知何處兩葉浮萍大海中

戲荅諸少

願我長年頭似雪饒君壯歲氣如雲朱顏今日雖欺我白髮他時不放君

題崔使君新樓

憂人何處可銷憂碧甃紅闌盜水頭從此潯陽風月夜崔公樓贊庾公樓

醉吟二首

空王百法學未得姪女丹砂燒即飛事事無成身也

老醉鄉不去欲何歸

兩鬢千莖新似雪十分一盞欲如泥酒狂又引詩魔發日午悲吟到日西

湖亭與行簡宿

潯陽少有風情客招宿湖亭盡却回水檻虛涼風月好夜深惟共阿憐來

贈江客

江柳影寒新雨地塞鴻聲急欲霜天愁君獨自沙頭宿岸遶蘆花月滿船

問韋山人

身名身事兩蹉跎試就先生問若何從此神仙學得
否白鬚雖有未為多

送蕭鍊師步虛詩二首

欲上瀛洲臨別時贈君十首步虛詞天仙若愛應相
問向道江州司馬詩

花紙瑤緘松墨字把將天上共誰開試呈王母如堪
唱發遣雙成更取來

贈李兵馬使

身得貳師餘氣槩家藏都尉舊詩章江南別有樓船
將燕頷虬鬚不姓楊

卷第十二

萬首唐人絕句卷之

三

七言一百首

洪州逢熊孺登

白居易

靖安院裏辛夷下醉笑狂吟氣豪麤莫問別來多少
苦低頭看取白髭鬚

初著刺史緋荅賀客

銀章暫假為專城賀客來時懶起迎似挂緋衫衣架
上朽株枯竹有何榮

別草堂三絕句

正聽山鳥向陽眠黃紙除書落枕前為感君恩須暫

起鑪峯不擬住多年

久眠褐被為居士忽挂緋袍作使君身出草堂心不

出廬山未要動移文

三間茅舍向山開一帶山泉遶舍山色泉聲莫惆

悵三年官滿却歸來

鍾陵餞送

翠幕紅筵高在雲歌鍾一曲萬家聞路人指點滕王

閣看送忠州白使君

題峽中石上

巫女廟花紅似粉昭君林柳翠於眉誠知老去風情

少見此爭無一句詩

贈康叟

八十秦翁老不歸南賓太守乞寒衣再三憐汝非他

意天寶遺民見漸稀

木蓮樹三首

如折芙蓉投旱地似拋芍藥挂高枝雲埋水隔無人

識唯有南賓太守知

紅似燕支膩如粉傷心好物不須憂山中風起無時

節明日重來得在無

已愁花落荒巖底復恨根生亂石間幾度欲移移不

得天教拋擲在深山

聽竹枝贈李侍御

巴童巫女竹枝歌
懊惱何人怨咽多
暫聽遺君猶悵望
長聞教我復如何

畫木蓮花圖寄元郎中

花房膩似紅蓮朶
艷色鮮如紫牡丹
唯有詩人應解愛
丹青寫出與君看

九日題塗溪

蒼草席鋪楓葉岸
竹枝歌送菊花杯
明年尚任南賓守
或作重陽更一來

和萬州楊使君四絕句

競渡

競渡相傳為汨羅
不能止遏意無他
自經放逐來顛顛
賴能校靈均死幾多

江邊草

聞君澤畔傷春草
憶在天門街裏時
漠漠淒淒秋滿眼
就中惆悵是江籬

嘉慶李

東都綠李萬州栽
君手分題我手開
把得欲嘗先悵望
與渠同別故鄉來

白槿花
秋薜晚英無豔色，
因栽種在人家，
使君只別羅敷面，
爭解回頭愛白花。

三月三日懷微之

良時光景長虛擲，
壯歲風情已闋銷，
忽憶同爲校書郎，
每年共醉是今朝。

和行簡望郡南山

反照前山雲樹明，
從君苦道似華清，
試聽腸斷巴猿叫，
早晚驪山有此聲。

種荔枝

紅顆真珠誠可愛，
白鬚太守亦何癡，
十年結子知誰在，
自向庭中種荔枝。

東樓醉

天涯深峽無人地，
歲暮窮陰欲夜天，
不向東樓時一醉，
如何擬過二三年。

東樓招客夜飲

莫辭數數醉東樓，
除醉無因破得愁，
唯有綠樽紅燭下，
暫時不似在忠州。

醉後戲題

自知清冷似冬凌，
每被人呼作律僧，
今夜酒醺羅綺

媛被君融盡玉壺冰

竹枝詞四首

瞿塘峽口水煙低白帝城頭月向西唱到竹枝聲咽
處寒猿聞鳥一時啼

竹枝苦怨怨何人夜靜山空歇又聞蠻兒巴女齊聲
唱愁殺江樓病使君

巴東船舫上巴西波面風生雨脚齊水蓼冷花紅簇
簇江灘濕葉碧萋萋

江畔誰人唱竹枝前聲斷咽後聲遲怪來調舌綠詞
苦多是通州司馬詩

寄題楊萬州四望樓

江上新樓名四望東西南北水茫茫無由得與君携
手同凭闌干一望鄉

荅楊使君登樓見憶

中萬樓中憶故人南州煙水北州雲兩州何事偏相
憶各是籠禽作使君

題東樓前李使君所種櫻桃花

身入青雲無見日手栽紅樹又逢春唯留花向樓前
看故故拋愁與後人

奉酬李相公

碧油幢下捧新詩榮賤雖殊共一悲涕泪滿襟君莫
怪其泉侍從最多時

戲贈蕭處士清禪師

三杯嵬我忘機客百納頭陀任運僧又有放慵巴郡
守不營一事共騰騰

錢虢州以三堂絕句見寄因以本韻和之
同事空王歲月深相思遠寄定中吟遙知清淨中和
化祇用金剛三昧心

三月三日

暮春風景初三日流世光陰半百年欲作閑遊無好

伴半江惆悵却回船

寒食夜

四十九年身老日一百五夜月明天抱膝思量何事
在癡兒癡女喚鞦韆

代州民問

龍昌寺底開山路巴子臺前種柳林官職家鄉都忘
却誰人會得使君心

荅州民

宦情抖擻隨塵去鄉思銷磨逐月無唯擬騰騰作閑
事遮渠不道使君愚

荔枝樓對酒

荔枝新熟雞冠色燒酒初開琥珀香欲摘一枝傾一盞西樓無客共誰嘗

醉後贈人

香毬趁拍回環匝花盞拋巡取次飛自入春來未同醉那能夜去獨先歸

別種東坡花樹兩絕

二年留滯在江城草樹禽魚盡有情何處殷勤重回首東坡桃李種新成

花林好住莫顛顛春至但知依舊春樓上明年新太

守不妨還是愛花人

別橋上竹

穿橋迸竹不依行恐礙行人被損傷我去自慙遺愛少不教君得似甘棠

商山路驛桐樹

昔與微之前後題名處

與君前後多遷謫五度經過此路隅笑問中庭老桐樹這回歸去免來無

殘春曲

禁苑殘鶯三四聲景遲風慢暮春情日西無事墻陰下閑踏宮花獨自吟

長安春

青門柳枝軟無力東風吹作黃金色街東酒薄醉易醒滿眼春愁消不得

長樂坡

行人南北分征路流水東西接御溝終日坡前恨離別漫名長樂是長愁

獨眠吟

夜長無睡起階前露落星河欲曉天十五年來明月夜何曾一夜不孤眠

期不至

紅燭清尊延久佇出門入門天欲曙星稀月落竟不來烟柳朧朧鵲飛去

長洲苑

春入長洲草又生鷓鴣飛起少人行年深不辨娃宮處夜夜蘇臺空月明

憶江柳

曾栽楊柳江南岸一別江南兩度春遙憶青青江岸上不知攀折是何人

三年別

悠悠一別已三年相望相思明月天腸斷青山望明

月別來三十六回圓

傷春詞

深淺簷花千萬枝
碧紗窓外轉黃鸝
殘粧含淚下簾
坐盡日傷春春不知

後宮詞二首

淚盡羅巾夢不成
夜深前殿按歌聲
紅顏未老恩先
斷斜倚薰籠坐到明
雨露由來一點恩
爭能遍布及千門
三千宮女臙脂
面幾箇春來無淚痕

吳七郎中山人待制班中偶贈

金馬東門隻日開
漢庭待詔重僊才
第三松樹非華
表那得遼東鶴下來

寄題忠州小樓桃花

再遊巫峽知何日
總是秦人說向誰
長憶小樓風月
夜紅闌干上兩三枝

朝回和元少尹二絕

朝客朝回回望好
盡紆朱紫佩金銀
此時獨與君爲
伴馬上青袍惟兩人
鳳閣舍人京亞尹
白頭俱未着緋衫
南宮起請無消
息朝散何時得入街

醉後

酒後高歌且放狂，門前閑事莫思量。猶嫌小戶長先醒，不得多時往醉鄉。

紫微花

絲綸閣下文章靜，鍾鼓樓中刻漏長。獨坐黃昏誰是伴，紫微花對紫微郎。

馮閣老處見與嚴郎中唱和詩

乍來江上宜清淨，不用回頭望故山。縱有舊遊君莫憶，塵心起即墮人間。

立秋日登樂遊園

獨行獨語曲江頭，回馬遲遲上樂遊。蕭颯涼風與衰鬢，誰教計會一時秋。

夜箏

紫袖紅絃明月中，自彈自感閨低容。絃凝指咽聲停處，別有深情一萬重。

舊房

遠壁秋聲蟲絡絲，入簷新影月低眉。床帷半故簾旌斷，仍是初寒欲夜時。

自問

黑花滿眼絲滿頭，早衰因病病因秋。宦途氣味已諳

盡五十不休何日休

和韓侍郎題楊舍人林池見寄

渠水暗流春凍解風吹日炙不成凝鳳池冷煖君諳
否二月因何更有冰

送馮舍人閣老往襄陽

紫微閣底送君回第一廳簾下不開莫戀漢南風景
好峴山花盡早歸來

酬韓侍郎張博士雨後遊曲江見寄

小園新種紅櫻樹開遶花行便當遊何必更隨鞍馬
隊衝泥蹋雨曲江頭

曲江憶李十一

李君歿後共誰遊柳岸荷亭兩度秋獨遶曲江行一
匝依前還立水邊愁

青門柳

青青一樹傷心色曾入幾人離恨中爲近都門多送
別長條折盡減春風

梨園弟子

白頭垂淚語梨園五十年前雨露恩莫問華清今日
事滿山紅葉鎖宮

暮江吟

一道殘陽鋪水中半江瑟瑟半江紅誰憐九月初三
夜露似真珠月似弓

思嬾眉

春風搖蕩自東來拆盡櫻桃綻盡梅唯餘思嬾愁眉
結無限春風吹不開

寒閨怨

寒月沉沉洞房靜真珠簾外梧桐影秋霜欲下手先
知燈底裁縫剪刀冷

秋房夜

雲露青天月漏光中庭立久却歸房水窻席冷未能

卧挑盡殘燈秋夜長

採蓮曲

菱葉縈波荷颭水荷花深處小船通逢郎欲語低頭
笑碧玉搔頭落水中

鄰女

娉婷十五勝天仙白日姮娥旱地蓮何處閑教鸚鵡
語碧紗窻下繡床前

閨婦

斜凭繡床愁不動紅綃帶緩綠鬟低遼陽春盡無消
息夜合花前日又西

移牡丹栽

金錢買得牡丹栽何處辭叢別主來紅芳堪惜還堪恨百處移將百處開

聽夜箏有感

江州去日聽箏夜白髮新生不願聞如今各是頭成雪彈到天明亦任君

琵琶

絃清撥利語錚錚背却殘燈就月明賴是心無惆悵事不然爭奈子絃聲

和人琴思

秋水蓮冠春草裙依稀風調似文君煩君玉指分明語知是琴心靜不聞

聽彈湘妃怨

玉軫朱絃瑟瑟微吳娃微調奏湘妃分明曲裏秋雲雨似道蕭蕭郎不歸

寓言題僧

劫風火起燒荒宅苦海波生蕩破船力小無因救焚溺清涼山下且安禪

內鄉村路作

日下風高野路涼緩驅疲馬闇思鄉渭村秋物應如

此棗赤梨紅稻穗黃

虛白堂

虛白堂前衙退後更無一事到中心移床就日簷間
卧卧詠閑詩側枕琴

題靈隱寺紅辛夷花戲酬光上人

紫粉筆含尖火燄紅燕脂染小蓮花芳情香思知多
少惱得山僧悔出家

候山亭同諸客醉

謝安山下空携妓柳渾洲邊只賦詩不及湖亭今日
醉嘲花詠水贈娥眉

送李校書赴寒食歸義興山居

大見騰騰詩酒客不憂生計似君稀到舍將何作寒
食滿船唯載樹陰歸

獨行

暗誦黃庭經在口閑携青竹杖隨身晚花新筍堪爲
伴獨入林行不要人

戲題木蘭花

紫房日照燕脂拆素豔風吹膩粉開怪得獨饒脂粉
態木蘭曾作女郎來

湖中自照

重重照影看容鬢不見朱顏見白絲失却少年無覓
處泥池湖水欲何爲

木芙蓉花下招客飲

晚涼思飲兩三杯召得江頭酒客來莫怕秋無伴醉
物水蓮花盡木蓮開

重訓周判官

秋愛冷吟春愛醉詩家眷屬酒家仙若教早被浮名
繫可得閑遊三十年

代賣薪女贈諸妓

亂蓬爲鬢布爲裙曉踏寒山自負薪一種錢塘江畔

女著紅騎馬是何人

遊恩德寺

雪水埋藏恩德寺簪裾束縛使君身暫來不宿歸州
去應被山呼作俗人

題清頭陀

頭陀獨宿寺西峰百尺禪菴半夜鍾烟月蒼蒼風瑟瑟
更無禩事對山松

自歎二首

形羸自覺朝食減睡少偏知夜漏長實事漸消虛事
在銀魚金帶遶腰光

二毛曉落梳頭懶
兩眼春昏點藥頻
唯有閑行猶得在
心情未到不如人

贈內

漠漠闇苔新雨地
微微涼露欲秋天
莫對月明思往事
損君顏色減君年

萬首唐人絕句卷第十三

萬首唐人絕句卷第十四

七言一百首

竹樓宿

白居易四

小書樓下千竿竹
深火爐前一盞燈
此處與誰相伴宿
燒丹道士坐禪僧

戲醉客

莫言魯國書生懦
莫把杭州刺史欺
醉客請君閑眼望
綠楊風下有紅旗

紫陽花

何年植向仙壇上
早晚移栽到梵家
雖在人間人不

識與君名作紫楊花

吳宮辭

淡紅花帔淺檀蛾睡臉初開似剪波坐對朱籠閑理
曲琵琶鸚鵡語相和

峇微之上船後留別

燭下尊前一分手舟中听上兩回頭歸來虛白堂中
夢合眼先應到越州

峇微之泊西陵見寄

烟波盡處一點白應是西陵古驛臺知在臺邊望不
見暮潮空送渡船回

自感

宴遊寢食漸無味杯酒管絃徒繞身賓客歡娛童僕
飽始知官職為他人

柳絮

三月盡時頭白日與春老別更依依憑鶯為向楊花
道絆惹春風莫放歸

醉戲諸妓

席上爭飛使君酒歌中多唱舍人詩不知明日休官
後逐我東山去是誰

潮

早潮纔落晚潮來一月周流六十回不獨光陰朝復暮
杭州老去被潮催

聞歌妓唱嚴郎中詩嚴前爲郡守

已留舊政布中和又付新詞與豔歌但是人家有遺愛
就中蘇小感恩多

急樂世辭

正抽碧線繡紅羅忽聽黃鶯斂翠娥秋思冬愁春悵
望大都不稱意時多

重寄別微之

憑仗江波寄一辭不須惆悵報微之猶勝往歲峽中

別灑灑堆邊招手時

別周軍事

主人頭白官仍冷去後憐君是底人試謁會稽元相
去不妨相見却殷勤

看常州柘枝贈賈使君

莫惜新衣舞柘枝也從塵汚汗霑垂料君即却歸朝
去不見銀泥衫故時

河陰夜泊憶微之

憶君我正泊行舟望我君應上郡樓萬里月明同此
夜黃河東面海西頭

杭州回舫

自別錢塘山水後不多飲酒懶吟詩欲將此意憑回棹與報西湖風月知

愛詠詩

辭章諷詠成千首心行歸依向一乘坐倚繩床閑自念前生應是一詩僧

卧疾

閑官卧疾絕經過居處蕭條近洛河水北水南秋月夜管絃聲少杵聲多

酬楊八

君以曠懷宜靜境我因蹇步稱閑官閉門足病非高士勞作雲心鶴眼看

夢行簡

天氣妍和水色鮮閑吟獨步小橋邊池塘草綠無佳句虛卧春窓夢阿憐

雲和

非琴非瑟亦非箏撥柱推絃調未成欲散白頭千萬恨只消紅袖兩三聲

春老

欲隨年少雜遊春自覺風光不屬身歌舞屏風花障

上幾時曾畫白頭人

春雪過皇甫家

晚來藍輦雪中回喜遇君家門正開
惟要主人青眼待琴詩談笑自將來

崔侍御以孩子三日示其所生詩見示因
以二絕句和之

洞房門上掛桑弧香火盆中浴鳳雛
還似初三生日魄常娥滿月即成珠

愛惜肯將同寶玉喜歡應勝得公侯
弄璋詩句多才思愁殺無兒老鄧攸

晚春寄微之并崔湖州

洛陽陌上少交親履道城邊欲暮春
崔在吳興元在越出門騎馬覓何人

東城桂三首

子墮本從天竺寺根盤今在闔廬城
當時應逐南風落落向人間取次生

舊說杭州天竺寺每歲秋中有月桂子墮

雪霰壓多雖不死荆榛長疾欲相埋
長憂落在樵人手賣作蘇州一束柴

遙知天上桂華孤試問常娥更要無
月宮幸有閑田地何不中央種兩株

新栽梅

池邊新種七株梅欲

時點檢來莫怕長洲桃李

妬今年好為使君開

戲和賈豈 卅醉中二絕句

聞道毗陵詩酒興來積漸學姑蘇

去刮骨清吟得似無

越調管吹留客曲吳吟詩送煖寒

事好遣孫心暫學來

清明夜

好風隴月清明夜碧砌紅軒刺史家

歇遙聽絃管暗看花

三月二十八日贈周判官

一春惆悵殘三日醉問周郎憶得無

酒去年今日到東都

酬別周從事二首

腰痛拜迎人客倦眼昏勾押簿書難辭官歸去

病莫作陶潛范蠡看

洛下田園久拋擲吳中歌酒莫留連

月已校歸遲四五年

見小姪龜兒詠燈詩并臘娘製衣因寄行

簡

已知臘子能裁服復報龜兒解詠鐙巧婦才人常薄
命莫教男女苦多能

寫新詩寄微之偶題卷後

寫了嗔看滿卷愁淺紅牋紙小銀鈎未容寄與微之
去已被人傳到越州

寶曆二年八月卅日夜夢後作

塵纓忽解誠堪喜世網重來未可知莫忘全吳館中
夢嶺南泥雨步行時

與夢得同登棲靈塔

半月悠悠在廣陵何樓何塔不同登共憐筋力猶堪
在上到棲靈第九層

夢蘇州水閣寄馮侍御

揚州驛裏夢蘇州夢到花橋水閣頭覺後不知馮御
史此中昨夜共誰遊

谷次休上人

姓白使君無麗句名休座主有新文禪心不合生分
別莫愛餘霞嫌碧雲

祕省後廳

槐花雨潤新秋地桐葉風翻欲夜天盡日後廳無一

事白頭老監枕前眠

登觀音臺賢城

百千家似圍碁局十二街如種菜畦遙認微微入朝
火一條星宿五門西

登靈應臺北望

臨高始見人寰小對遠方知色界空回首却歸朝市
去一條米落太倉中

閑出

兀兀出門何處去新昌街晚樹陰斜馬蹄知意綠行
熟不向楊家即庾家

奉使途中戲贈張常侍

早風吹土滿長衢驛騎星軺盡疾驅共笑籃輿亦稱
使日馳一驛向東都

種白蓮

吳中白藕洛中栽莫戀江南花懶開萬里携歸爾知
否紅蕉朱槿不將來

和劉郎中傷鄂姬

不獨君嗟我亦嗟西風北雪殺南花不知月夜魂歸
處鸚鵡洲頭第幾家

雪中寄令狐相公兼呈夢得

兔園春雪梁王會想對金罍詠玉塵今日相如身在
此不知客右坐何人

和劉郎中鶴歎二首

辭鄉遠隔華亭水逐我來棲緱嶺雲慙愧稻梁長不
飽未曾回眼向鷄群

荒草院中池水畔銜恩不去又經春見君驚喜雙回
顧應為唵聲侶主人

宿竇使君莊水亭

使君何在在江東池畔初黃杏欲紅有興即來閑便
宿不知誰是主人翁

龍門下作

龍門澗下濯塵纓擬作閑人過此生筋力不將諸處
用登山臨水詠詩行

姚侍御見過戲贈

曉起春寒慵裹頭客來池上偶同遊東臺御史多提
舉莫按金章繫布裘

和錢華州題少華

高情雅韻三峰守主領清光管白雲自咲亦曾爲刺
史蘇州肥膩不如君

送陝府王大夫

金馬門前回劔珮，鉄牛城下擁旌旗。他時萬一爲交
代，留取甘棠三兩枝。

代迎春花招劉郎中

幸與松筠相近栽，不隨桃李一時開。杏園豈敢妨君
去，未有花時且看來。

翫迎春花贈楊郎中

金英翠萼帶春寒，黃色花中有幾般。憑君與向遊人
道，莫作蔓菁花眼看。

座上贈盧判官

把酒承花花落頻，花香酒味相和春。莫言不是江南

會，虛白亭中舊主人。

曲江有感

曲江一畝有春風，萬樹花前一老翁。遇酒逢花還且
醉，莫論惆悵事何窮。

杏園花下贈劉郎中

怪君把酒偏惆悵，曾是正元花下人。自別花來多少
事，東風二十四回春。

伊州

老去將何散老愁，新教小玉唱伊州。亦應不得多年
聽，未教成時已白頭。

酬嚴給事玉蕊花

瀛女偷乘鳳去時洞中潛歇弄瓊枝不緣啼鳥春饒
舌青瑣仙郎可得無

京路

西來爲看秦山雪東去緣尋洛苑春來去騰騰兩京
路閑行除我更無人

華州西

每逢人靜慵多歇不計程行困即眠上得監舉未能
去春風敷水店門前

送春

銀花鑿落從君勸金屑琵琶爲我彈不獨送春兼送
老更嘗一酌更聽君

春詞

低花樹映小粧樓春入眉心兩點愁斜倚闌干臂鸚
鵡思量何事不回頭

花酒

香醅淺酌淨如蟻雲鬢新梳薄似蟬爲報洛城花酒
道莫辭送老二三年

楊家南亭

小亭門外月斜開滿地涼風滿地苔北院好彈秋思

處終須一夜抱琴來

廣府胡尚書頻寄詩因答

尚書清白臨南海雖飲食泉心不回唯向詩中得珠
玉時時寄到帝鄉來

讀鄂公傳

高臥深居不見人功名抖擻似灰塵唯留一部清商
樂月下風前伴老身

冬夜聞蟲

蟲聲冬思苦於秋不解愁人聞亦愁我是老翁聽不
畏少年莫聽白君頭

聽田順兒歌

曼玉敲冰聲未停嫌雲不遏入青冥爭得黃金滿衫
袖一時拋與斷年情

聽曹剛琵琶兼示重蓮

撥撥絃絃意不同胡啼番語兩玲瓏誰能截得曹剛
手插向重蓮衣袖中

對酒五首

巧拙賢愚相是非何如一醉盡忘機君知天地中寬
窄鷓鴣鸞鳳各自飛

蝸牛角上爭何事石火光中寄此身隨富隨貧且歡

樂不開口笑是癡人

丹砂見火去無迹白髮泥人來不休
賴有酒仙相煖熱松喬醉即到前頭

百歲無多時壯健一春能幾日
清明相逢且莫推辭

醉聽唱陽關第四聲

第四聲勸君更盡一盃酒
西出陽關無故人之句

昨日低眉問疾來今朝收淚弔人回
眼前流例君看取且遣琵琶送一杯

僧院花

欲悟色空爲佛事故栽芳樹在僧家
細看便是華嚴偈方便風開智慧花

不出

簷前新葉覆殘花席上餘盃對早茶
好是老身銷日處誰能騎馬傍人家

老病

晝聽笙歌夜醉眠若非月下即花前
如今老病須知分不負春來二十年

憶晦叔

遊山弄水携詩卷看月尋花把酒盃
六事盡思君作伴幾時歸到洛陽來

琴酒

耳根得所琴初暢心地忘機酒半酣若使啓期兼解
醉應言四樂不言三

聽幽蘭

琴中古曲是幽蘭爲我殷勤更弄看欲得身心俱靜
好自彈不及聽人彈

送客

病上籃輿相送來衰容秋思兩悠悠
哉涼風嫋嫋吹槐子却請行人勸一盃

戲荅皇甫監

寒宵勸酒君須飲君是孤眠七十身
莫道非人身不

煖十分一盞煖於人

池邊即事

氍毹胡琴出塞曲蘭塘越棹弄潮聲
何言此處同風月蘄北江南萬里情

別陝州王司馬

笙歌惆悵欲爲別風景闌珊初過春
爭得遣君詩不苦黃河岸上白頭人

荅尉遲少尹問所須

乍到頻勞問所須所須非玉亦非珠
愛君水閣宜閑詠每有詩成許去無

答蘇庶子月夜聞家僮奏樂見贈

墻西明月水東亭一曲霓裳按小伶不敢邀君無別境絃生管澁未堪聽

白蓮池汎舟

白藕新花照水開紅窓小舫信風回誰教一片江南興逐我殷勤萬里來

答崔十八

勞將白叟比黃公今古由來事不同我有商山君未見清泉白石在曾中

答蘇六

但喜暑者隨三伏去不知秋送二毛來更無別計相寬慰故遣陽關勸一杯

秋遊

下馬閑行伊水頭涼風清景勝春遊何事古今詩句裏不多說著洛陽秋

期宿客不至

風飄雨洒簾帷故竹映松遮燈火深宿客不來嫌冷落一樽酒對一張琴

問移竹

問君移竹意如何切勿排行但間窠多種少栽皆有

意大都少校不如多

重陽席上賦白菊

滿園花菊鬱金黃中有孤叢色似霜還似今朝歌酒
席白頭翁入少年場

萬首唐人絕句卷第十四

